

Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Antidotorvm Evangelicorvm D. Thomæ Stapletoni, S. Theol. Doctoris, & in
Academica Louaniensi S. Script. Professoris Regij, Pars Altera - In
Sacrosanctum Euangeliū secundūm Ioannem

Stapleton, Thomas

Lvgdvni, 1595

17. Si quis voluerit voluntatem eius facere, cognoscet de doctrina, vtrùm
ex Deo sit, an ego à me ipso loquar.

urn:nbn:de:hbz:466:1-39480

ut talis mater esset, & tanto filio concipiendo ac pariendo idonea, maxima gratiarum vberitate donata, maxima totius vita puritate imbuta, & ad altissimum perfectionis gradum eucta fuerit: quum dubitari nequeat, Deum qui ad tam excellentem finem illam ordinauerat, media quoque suppeditasse quae ad talem finem vlo modo desiderari possent. Quare quum matrem Christi veneramur, & bearam esse prædicamus, quæ filium Dei in utero gestauit, illam cum vniuersa illa perfectione tantæ matti collata consideramus, & non ut vulgarem matrem quæ carne tantum gestarit, ad quod gestandum magis idonea non esset quam quævis alia mulier. Quibus ita explicatis, Caluini hoc loco cauillationes quam inanes ac futilles, addo etiam impiae fuerint, satis perspicuum euasit.

17. *Si quis voluerit voluntatem eius facere, cognoscet de doctrina, utrum ex Deo sit, an ego à meipso loquar.*

Hæc Christi verba miro artificio intuerit & à vero ac genuino sensu longissimè lectorum abducit Caluinus. Quid sit voluntatem Dei facere, & hoc nihil aliud esse quam Dei mandata, quæque ille vult & iubet, opere præstare, contra alias & varias Caluini corruptelas ad alia S. Euangelij verba iam in hoc opere iterū atque iterum ostendimus. Hæc enim verba, facere voluntatem Dei Patris, nunquam in recto sensu accipere aut admittere voluit Caluinus: quando ei stetit semel sententia, voluntatē Dei (faciendo quæ ei placita erant) nullo modo facere; sed mandatorum Dei obseruatione desperata, in sola sua fide coquiescere. Sed hoc loco, quia facere voluntatem Dei Patris, ponitur à Christo ut medium & via ad ipsam fidem consequendam, vetus illa cantilena, quod huiusmodi verbis fides commendatur, locum habere non potuit. Hic enim dicit Christus. *Si quis voluerit voluntatem Dei facere, cognoscet de doctrina, utrum ex Deo sit, an ego à meipso loquar:* id est, fidem doctrinæ meæ adhibebit, tanquam diuinæ, & nō à me tanquam homine priuato, sine Dei ministrantis mādato, & sine Dei suggestoris spiritu adiuuentæ. Docet ergo Christus voluntatem & pium desiderium faciendæ voluntatis Dei, voluntatem, inquam, non otiosam, desiderium, fluctuantem; sed firmam, alacrem, & actiuam observationem

Suprà ad
Matthæi
cap. 5. &
7. & 12.

tionem esse egregiam ad fidem Christi verbis adhibendam.
Quod enim dicitur cognoscet, significat eum ad cognoscendam recte disponi, nec impedimentum habere cognoscendi. Voluntatem igitur hominis prauam, ira, odio, inuidia, superbia, aut prauis quibusque cupiditatibus oblessem, grave impedimentum esse docet Christus, quo minus cælestem &

*Lib. 4. ca.
43. in Ioā.
Homi. 48.
in Ioan.* diuinam esse Christi doctrinam cognoſcat: sicuti doctissimi olim interpres Cyrus & Chrysostomus hoc loco annotant. Voluntas autem recta & diuinæ voluntati conformis

Jean. 15. medium & dispositio est accommodatissima, ad cognoscendam doctrinam Christi ex Deo esse, id est, ad certam & firmam fidem illi adhibendam. Cognoscere enim pro credere accipitur: sicut in hoc Euangeliō alibi. Hec est vita eterna ut cognoscant te solum verum Deum, & quem misisti Iesum Christum. Apertus & luculentus hic est Christi verborum sensus.

Nunc ut ea corrumpat Caluinus videamus. Excipit haec Christus (ait Caluinus) rectum iudicium manare ex timore Dei & reverentia. Ideo si animos habent ad timorem Dei impositos, facile agnitos an verum sit nec ne quod predicit. Verum quidem est, timorem Dei & reverentiam illis necessariam esse qui de rebus diuinis recte iudicare volunt, & (quod postea dicit) pietatem & studium obsequendi Deo: ideoq; si preparati sumus in Dei obsequium, minimè illum nobis defuturum, quin Spiritus sui luce affulgeat, ut discernere liceat inter virtutem & mendacium: praefatos autem & indociles iustam sub hypocrisis pœnam sustinere quoties illis illudit Satan. Hæc sane omnia vera & bona sunt, & animi demissionem atque humiliatorem docent, ad diuina capessenda necessariam: de quo

Caluinus argumento in festo S. Mathiae Apostoli in Promptuario Catholico multa deproprioſimus. Sed verba Christi multo plius corrum- dicunt, & non solum reverentiam quandam erga Deum aut studium obsequandi Deo significant, quo quis videlicet paratus sit ea credere quæ Deus dicit (de hoc enim solo obsequendi studio loquitur Caluinus, quum illud animo praefatio & indocili opponat) sed præterea studium ac voluntatem faciendi mandata Dei, id est, vitam ab omni crimine & affetu peccati puram, quod nec uno verbo attingit Caluinus, ut bonorum operum iustitiam aut sanctitatem hoc loco commendari lector aduerteret. Atqui studium aut voluntas faciendi voluntatem Dei patris (sicut Christus hic loquitur) non est tantum studium obsequandi Deo, ut dociles simus verbi eius auditores, sed est præterea studium obsequandi

Dco

Deo, vt obedientes & assidui simus legis eius factores. Lex enim Domini, voluntas eius : & factor legis Dei voluntatem Dei facit, vt supra ex Scripturis docuimus. In hoc ergo le- storem fallit Caluinus, Christique verbis abutitur, quod quæ Christus de studio & voluntate faciendi mandata Dei dixit, vt simus legis factores, hoc ille de studio & voluntate obse- quendi verbo Dei exponit, vt simus dociles eius auditores.

*Ad Mattheum
cap. 12.
vers. 50.*

Porro Christum de illa voluntate faciendi voluntatem Dei loquutum fuisse quæ ad legis diuinæ executionem per- tinet, verba statim subsequentia demonstrant. Volens enim ostendere Iudæos talem voluntatem non habuisse, ideoque de doctrina eius cognoscere non potuisse, ait illis: Nonne Moyses dedit vobis legem, & nemo ex vobis facit legem? Quid me queritis interficere? id est, minimè mirum est si tantum abest vt doctrinam meam ex Deo esse cognoscatis, vt etiam me interficere queratis, quum nemo vestrum legem seruet quam Deus per Moysen dedit, quum faciendi voluntatem Dei Patris, qui hanc legem dedit, nulla in vobis voluntas, nulla cura sit. Sed si vera in vobis pietas esset, vera voluntas obsequendi Deo, & custodiendi legem eius, nec me villo odio prosequeremini, & meam doctrinam ex Deo esse facile co- gnosceretis. Si quis enim Dei cultor est, & voluntatem eius *Ioan. 9.* facit (dixit ille cæcus à Christo tam animo quam corpore illuminatus) hunc Deus exaudit: eius cor suo Spiritu illumi- nat. In animam quippe malevolam non introibit sapientia, nec habitabit in corpore subditio peccatis. Quum igitur doctrinam Christi ex Deo esse cognoscere Iudæi non poterant, nec po- test quisquam absque fide, quæ Spiritus sancti donum est, Spi- ritus autem sanctus hypocritas fugiat, & legis diuinæ trans- gressores (illi enim corpora habent subdita peccatis) inhabi- tare (hoc est, sua luce & gratia donare) recuerit; accommo- datissimè Iudæos Christus ad mandatorum Dei piam ac se- dulam obseruationem reuocauit, vt cognoscereunt de doctri- na eius quod ex Deo esset. Voluntas quippe faciendi volun- tam Dei, studiosa ac sedula est mandatorum Dei executio.

Quam Christus diceret, Cibus meus est ut faciam voluntatem eius qui misit me, ut perficiam opus eius, nonne ardenter simum desiderium ac voluntatem suam expressit opere exequendi munus sibi iniunctum docendi, prædicandi, operibus beneficis & admirandis homines ad fidem alliciendi? Ante morem tantum ac reuerentiam vel animum docilem his ver- bis expedit Christus? Clarum & perspicuum est, de illa Dei volun-

*Voluntas
obsequenda
mandatius
Dei est via
ad creden-
dum.*

Ioan. 4.

voluntate facienda loquutum illum esse, quæ ad mandatorum, quæ à Patre accepit, executionem spectabat. Idem eum hoc loco sensisse dubitandum non est, vt & noster quoque cibus atque ardens desiderium sit, faciendi voluntatem Dei, & obsequendi mandatis eius, vt sic idonei simus ad cognoscendam & amplectendam doctrinam eius. A vero igitur sensu longè lectorem suum abduxit Caluinus, ne observationis mandatorum Dei aliqua hīc doctrina tradi videtur.

**Caluinus
seductor
studiosus.** Caluinus vbi in genere lectorem ita ludificasset, ad quodam facti species descendit, vt ludificet magis. Hinc (inquit) apparet quām perperam & stulte hodie permulti, dum errandi periculum metuunt, hac trepidatione sese impediant ab innī discendi studio, quasi frustra dictum sit: *Pulsate, & aperiūt vobis.* Arripit occasionem impostor, vbi nulla plane datur, vt tanquam verus seductor & studiosus ab auita & recepta multorum seculorum fide Christiana homines Christianos abducat, & vt post stabilitam annis 1500. doctrinam, post tot Martyrum confessiones, post tot Concilia, tot Patres, tot Pastores & Doctores, iterum adhuc quæramus, quid credendum sit: vt errandi periculum non metuamus; quia semper pulsandum, semper quærendum, nunquam in certa aliqua & firmata fide acquiescendum est. Si enim in villa tandem fide acquisitoēdum, cur non post tot secula fidei Christianae, tot orbe propagatæ, cur non post tot Concilia, tot & tam illustres Ecclesiæ Doctores, tot Episcopos, tot Pastores? Aut si nanc de nouo quærendum & pulsandum est, authore Caluinio, vbi iam cum eo ad tempus insaniumus; an etiam eo sublatio, adhuc cum alio nescio quo nouo hæresiarcha insanire oportebit? Iterum pulsare & quærere debemus, quia frustra dictum non est: *Pulsate, & aperietur vobis.* Ecce post Caluinum docent nūc in Polonia & Transsilvania noui Magistri, nec Christum esse verum Deum, nec in tribus personis unum Deum esse adorandum, adeoque Trinitatis vocabulum esse expellendum. An omni erroris metu abieciō (vt hīc suadet Caluinus) iterum ab his Magistris nouis discemus quæ si reuertitas, quia frustra dictum non sit, *Pulsate, & aperietur vobis.*

Caluinus. Ad hoc omnis erroris præcipitum, ad hanc dementiam futorem, Caluinii consilium nos impellit, vt quia Iudeis in cubuit cognoscere de doctrina Christi, vtrum ex Deo esse, an à seipso loqueretur, nobis quoque perpetuo incubat omnibus nouis Magistris aurē præbere, & ab illis discere vnum eorum doctrinæ ex Deo sit, an à seipsis loquantur. Ceterum

vnum nos Christum nouimus, nō plures. Ille *vetus Magister* Matth. 13.
Heb. 7.
Ephes. 1.
noster est: alios non quærimus. Vnam legis translationem nouimus, vnum redemptorem, qui omnia instauraret, non Matt. 28.
frequentes translationes, non aliam ullam religionis instau-
rationem. Quam ille semel doctrinam tradidit, illam aliis postea docendam concredidit, cum quibus usque ad consum-
mationem seculi omnibus diebus se affuturum promisit: illam Matt. 16.
Ephes. 4.
Ecclesiam condidit, contra quam porta inferi non præualerent. Ioan. 14.
Illos Pastores & Doctores dedit, qui sanctos eius consumma-
rent, & corpus adiscarent, donec occurramus omnes in agnitio-
nem filij Dei. Denique illos ad docendum misit, quibus Spiritum Sanctum daret, qui eos doceret omnem veritatem in eternum. Amplius igitur quærendi aut pulsandi, aut ab aliis Quærenda
tempora amplius
noua fides
non est.
quām quos ipse ab exordio misit, quīque iis ad nostra vque tempora perpetuò successerunt, descendit locum non reliquit. Ioan. 10.
2. Epist.
Ioan.
Quum noui exurgunt Magistri, qui præter acceptam à Pa-
storibus nostris fidem, nouam doctrinam adferunt, quos ha-
reticos, & lupos, & latrones, & falsos Prophetas, Scriptura vo-
cat, didicimus à Christo non ab illis discere, nec ad eorum fo-
res pulsare, (vt lupus ipse Calvinus hīc horitur) sed ab illis fugere, eorum voces non audire, ac neque illis Aue dicere.
Postremò quomodo & quatenus in causa religionis quæ-
rendum nobis est, infra suo loco vberius dicemus. Ad cap.
Ioan. 8.
ver. 21.

Sed addit adhuc Calvinus quædam, quibus impium suum ac detestabile consilium lectori reddit probabile. Nos potius (inquit) si Deo tori in obsequium sumus addicti, spiritum discretionis ab eo nobis datum iri non dubitemus, qui perpetuus sit dux ac director. Si alij fluctuari libet, sentient tandem quām vani sint ignorantie sua & pratextus. Suadet seductor impius, vt adhuc pulsemus & quæramus quid in nouis de fide controvësiis (tales enim postea recenset de orando pro defunctis, & de purgatorio) sentiendum sit, quia in hac inquisitione spiritum discretionis Deus nobis dabit. Atqui populus fidelis, quem hīc alloquitur Calvinus, non spiritum discretionis à Deo expectare, sed spiritum obedientiæ & simplicitatis fidei à Deo precari debet. Spiritus discretionis, quo possunt probari spiritus an ex Deo sint, non penes torum populum, sed penes illos est, quos posuit Spiritus Sanctus regere Ecclesiam suam. Populi fidelis est, Præpositis suis obedire & subiacere, vt Paulus docet; ac diligentissime cauere, ne sicut serpens seduxit Euam astutia sua, ita corrumptantur sensus illorum, & excidant à simplicitate, qua est in Christo. De-

Ephes. 4:

dit Christus Pastores & Doctores ad consummationem saulorum, id est, ad corroborandos fideles, ne circumferantur omni vento doctrina. Ilos ergo audire, illis adhaerere, illis obedi re debent, ut ab omni errore immunes ac liberi sint, non sibi ipsis spiritum discretionis venditare, aut illum à Deo expectare. Vox hæc Caluini, Pulsate & quærite intrepide spiritum enim discretionis dabit Deus, est illa Diaboli vox. Mitte te deorsum: Angelis enim suis mandauit de te, ut nos offendas ad lapidem pedem tuum. Mittit se deorsum qui Catholicæ Ecclesiæ Magistris, quos Christus posuit, derelicit, ad nouos sectarios, quos Satanus mitit, ab illis veritatem exploraturus transit. Quare quod adhuc subiungit Caluinus, Diabolicae temptationis peregregia confirmatio est. Cetè (inquit) quicunque hodie hastant, & dubitationem suam suam malunt, quād legendo vel audiendo serio inquirere vbinam Dei veritas, eos in generalibus principijs secure Deum temnere videmus. Dicit hic se pro mortuis precari, quia nō homino suo diffisus, quod de purgatorio commenti sunt per nos homines, damnare non audeat. Ille negabit sibi tantum acuminis, ut inter puram Christi doctrinam & adulterina minimum figura distingue possit. Interim & ille scortari & hic furari ac peierare non cessabit. Hæc Caluinus. Homo impius ad blasphemandos Sanctos natus, scortati omnes, futes ac periuros esse debaccharut, quotquot in fide fundati ac radicati, nouis doctrinæ ventis circumferri nolunt, nec ad cuiusvis hæretici strepitum commoueri, siue ille Lubet us sit, siue illi ex diametro contrarius Caluinus, siue ab uno que hostiliter dissentens Rotmannus Anabaptistarum Petet, siue hos omnes ex alto despiciens Gregorius Paulus Theitarum dux, aut Franciscus David sanctissimæ Trinitatis oppugnator ter impius. Vult quippe Caluinus Epicureos omnes & omnium flagitiorum mancipia esse, scortatores, futes, periuros, qui contenti antiqua maiorum suorum, tortuose Ecclesiæ Christianæ per tot secula continuata fide, doctrina, religione, in nouas istas sectas inquirere nolunt, sed ab oratione pro defunctis in Christo fidelibus cessare. Secundum Deum contemnunt, Caluini iudicio, qui legendo vel audiendo serio non inquirunt vbinam sit Dei veritas. Quasi video et hoc hodie primum Christus mundo ionotesceret, quasi hodie Dei veritas patescere cœperit, quasi nulla haec tenus in Christum fides, nulla veritatis doctrina, nulla religio Deo grata apud homines toto orbe Christianos agnita aut credita.

Caluini
vox, dia-
boli vox.
Matth. 4.Caluinus
ad blas-
phemandos
Sanctos
natus.

fuerit. Atqui si scripturis credimus, non Caluino; ille Deum
secutè contemnit, ille ut ethnicus ac publicanus quasi Deum
ignorans vivit, qui Ecclesiam non audit: ille Christum sper-
nit, & pro ludibrio habet, qui Præpositos Ecclesiaturum à
Christo datos spernit. Ille sermonem Christi non seruat, sed
despicit, qui sermonem eorum, quos ille misit, seruare ne-
gligit. Quo constituto, nouis hæresiarchis aut hæretum Ma-
gistris (qui contra stabilitam in Ecclesia Dei fidem noua
gartiunt, spargunt, obtrudunt) autem qui præberet, qui an
apud illos sit Dei veritas inquit, expressum Dei manda-
tum secutè cōtemnit; Ordinem à Christo institutum super-
bus violat; certis & evidētibus Christi promissionibus in-
credulus contradicit; Christi veritatem ac Dei prouidētiā
in dubium reuocat; fidem ac salutem suam certo discrimini
exponit; hæsitans in fide fidelis esse desinit; toti Christiano-
rum societati iniuriam facit; ouicula gregis Christi amplius
non est; ex hoedis in sinistra collocandis est; reprobus &
sobractionis filius in certam perditionem factus est. Hic
Caluinianī consilij finis & exitus est. Hoc ille venenum ex
sanctissimis Christi verbis suxit: *Qui voluerit facere volun-
tatem Dei, cognoscet de doctrina, utrum ex Deo sit.*

*Matth. 18.
Luc. 10.*

Iohann. 15.

Nōnne Moyses dedit vobis legem, & nemo ex vobis
facit legem?

Pvlchram hīc sibi occasionem natūrātus esse visus Caluinus
est, in Catholicam Ecclesiam eiūsque præcipua membra
excurrendi, idem sibi in Ecclesiam licere existimans quod
Christo in Pharisæos ac Iudeos licuit. Qui hodie (inquit)
sunt acerrimi Euangelij hostes, & maximè strenui vindices Pa-
patus, nihil habent ad fauorem magis plausibile quām quid
zeli ardore incitantur. Ceterū si excutiatur eorum vita, om-
nes turpibus flagitijs operi palam Deo illudunt. Quis in Papa-
curia crassum epicurismum regnare nescit? An ita verecundē
fæditatem tegunt Episcopi & Abbates, ut aliqua religionis
species appareat? Monachi etiam & similes rabula nōnne sic
ad omnem nequitiam, ad libidinem, auaritiam, & queuis see-
lerum monstra, projecti sunt, ut vita eorum Dei prorsus esse
oblitos clamaret? Nunc vero quum nihil eos pudeat Dei & Ec-
clesia zelo se venditare, an non hoc Christi responso frenandi
sunt? Hæc impurus ille. Sed ad hanc fœdam & impuro Cal-
uinī pectore dignam accusationem nihil aliud respondere citur.